

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԵՐԵՎԱՆ ՔԱՂԱՔԻ ԱՎԱԳԱՆՈՒ**

«-----» մարտի 2012թ.

N ---Ա

ՈՐՈՇՈՒՄ

**«ԵՐԵՎԱՆԻ Հ. 153 ՀԻՄՆԱԿԱՆ ԴՊՐՈՑ» ՊԵՏԱԿԱՆ ՈՉ ԱՌԵՎՏՐԱՅԻՆ
ԿԱԶՄԱԿԵՐՊՈՒԹՅՈՒՆՆ ԱՆՎԱՆԱԿՈՉԵԼՈՒ ՄԱՍԻՆ**

Հիմք ընդունելով «Երևան քաղաքում տեղական ինքնակառավարման մասին»
Հայաստանի Հանրապետության օրենքի 12-րդ հոդվածի 1-ին մասի 23-րդ կետը՝

Երևան քաղաքի ավագանին որոշում է.

Երևան քաղաքի Աջափնյակ վարչական շրջանի հ.153 հիմնական դպրոցն
անվանակոչել Բանասեր, լեզվաբան, պատմաբան, մատենագետ, հրապարակախոս,
հասարակական-քաղաքական գործիչ Ռաֆայել Ավետիսի Իշխանյանի անվամբ:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱԿՈՐՈՒՄ

ԵՐԵՎԱՆ ՔԱՂԱՔԻ ԱՎԱԳԱՆՈՒ «ԵՐԵՎԱՆԻ Հ. 153 ՀԻՄՆԱԿԱՆ ԴՊՐՈՑ» ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆ ԱՆՎԱՆԱԿՈՉԵԼՈՒ ՄԱՍԻՆ» ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ՎԵՐԱԲԵՐՅԱԼ

Երևանի հ.153 հիմնական դպրոցի մանկավարժական խորհրդի 27.02.2012թ. հ.180 որոշմամբ առաջարկվել է ներկայացնել միջնորդություն՝ դպրոցը Ռաֆայել Ավետիսի Իշխանյանի անվամբ անվանակոչելու համար:

Լեզվաբան, հրապարակախոս, մատենագետ Ռաֆայել Ավետիսի Իշխանյանը ծնվել է 1922թ. Երևանում:

1939 թվականին ավարտել է Կրուպսկայայի անվան /ներկայումս Աղբալյանի անվան/ միջնակարգ դպրոցը: Որից հետո ընդունվել է Երևանի պետական համալսարանի հայոց լեզվի եւ գրականության ֆակուլտետը:

1940 թվականին զորակոչվել է Սովետական բանակ: Մասնակցել է Հայրենական մեծ պատերազմին:

Զորացրվելուց հետո՝ 1945 թվականին շարունակել է ուսումը և 1949 թվականին ավարտել է Երևանի պետական համալսարանը:

1954 թվականին ավարտել է Մոսկվայի գրադարանային ինստիտուտը:

1962 թվականին պաշտպանել է ատենախոսություն 1937թվականին բռնադատված հայ գրող Ակսել Բակունցի կյանքի ու ստեղծագործության վերաբերյալ, որից հետո տեղափոխվել է աշխատելու Երևանի պետական համալսարան:

1973 թվականին պաշտպանել է դոկտորական ատենախոսություն:

1978 թվականին ստացել է պրոֆեսորի կոչում:

1991 թվականից աշխատել է Ազգային գրադարանում որպես տնօրեն:

Իշխանյանը 773 գիտական աշխատանքների հեղինակ է:

Ռաֆայել Իշխանյանը Հայաստանի Խորհրդային հանրագիտարանի հրատարակության հեղինակներից մեկն էր:

Մահացել է 1995թ. Երևանում:

Հաշվի առնելով մանկավարժության տեսության, հայոց լեզվի և գրականության զարգացման, երիտասարդ սերնդի կրթման և դաստիարակման գործում ներդրած մեծ վաստակը, առաջարկվում է Երևան քաղաքի հ.153 հանրակրթական հիմնական դպրոցն անվանակոչել Ռաֆայել Իշխանյանի անվամբ:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԵՐԵՎԱՆԻ Հ. 153 ՀԻՄՆԱԿԱՆ ԴՊՐՈՑ» ՊԵՏԱԿԱՆ ՈՉ ԱՌԵՎՏՐԱՅԻՆ
ԿԱԶՄԱԿԵՐՊՈՒԹՅՈՒՆՆ ԱՆՎԱՆԱԿՈՉԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ
ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ
ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ
ՄԱՍԻՆ**

Երևան քաղաքի ավագանու ««Երևան քաղաքի հ.153 հիմնական դպրոց» պետական
ոչ առևտրային կազմակերպությունն անվանակոչելու մասին» Երևանի ավագանու
որոշման նախագծի ընդունման կապակցությամբ այլ իրավական ակտերում լրացումներ
եվ/կամ/ փոփոխություններ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԵՐԵՎԱՆԻ Հ. 153 ՀԻՄՆԱԿԱՆ ԴՊՐՈՑ» ՊԵՏԱԿԱՆ ՈՉ ԱՌԵՎՏՐԱՅԻՆ
ԿԱԶՄԱԿԵՐՊՈՒԹՅՈՒՆՆ ԱՆՎԱՆԱԿՈՉԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ
ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ
ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ
ՓՈՓՈԽՈՒԹՅՈՒՆՆԵՐԻ ՄԱՍԻՆ**

«Երևան քաղաքի հ.153 հիմնական դպրոց» պետական ոչ առևտրային
կազմակերպությունն անվանակոչելու մասին» Երևանի ավագանու որոշման նախագծի
ընդունման կապակցությամբ Երևանի բյուջեում չի նախատեսվում եկամուտների և
ծախսերի փոփոխություն:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ